



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1682. usque ad annum 1690

Fleury, Claude

August. Vind. [u.a.], 1781

VD18 90119231

§. 58. Jacobus Rex ex Anglia in Franciam profugere compulsus.

[urn:nbn:de:hbz:466:1-67608](https://nbn-resolving.org/urn:nbn:de:hbz:466:1-67608)

§. LVIII.

Sæc. XVII.
A. C. 1688.*Jacobus Rex ex Anglia in Franciam profugere compulsus.*

Hoc ubi Rex compererat, nulla mora exercitum suum Sarisberiae contrahi jussit, tardo nimis consilio; quippe Auriacus cum suis copiis jamjam festinatis itineribus eo contenderat, augescebant etiam indies ejus copiarum tam Procerum, quam militum accessu: quatuor enim legiones Regiæ, conspirantibus eorum Ductoribus ad Principis signa defecere, varii Nobiles sumptis armis suos quoque subditos contra Regem concitarunt, & Churchillius, quem Rex maximis antea beneficiis cumularaverat, occultis cum Auriaco consiliis consentiens, Regem in hostium manus tradere machinabatur. summa tamen protervia literas ad Regem dare ausus, quibus in fidem & obsequium pro Regis defensione vitam & bona prodigere paratum se simulans declarabat, se duntaxat ob sectæ suæ amorem ad Auriacum defecisse: Præter hunc Georgius Daniae Princeps, ejusque Uxor Regis Filia, pluresque primæ dignitatis Proceres ad Auriaci partes transibant. Rex igitur a suis prolibus, clientibus, copiis, & famulis derelictus,
ad

Orleans hist. di Jacq. II.
Hode Hist. de Louis XIV. l. 45. pag. 394.
Corp. Diplom. t. 7. part. 2.

Sæc. XVII. ad Protestantium Procerum opem con-
A. C. 1688. fugere coactus est, qui tamen eidem
 administratæ Reipublicæ vitia audacter
 exprobrantes, inter concordiæ condi-
 tiones præscripserunt, ut convocato
 Parlamento omnibus (nullo excepto)
 Auriaco adhærentibus veniam conce-
 deret, cum præfato Principe per De-
 putatos transigeret, & Catholicos ab
 omnibus officiis confestim amoveret:
 Annuit Rex duris hisce conditionibus,
 ac die secunda Decembris tres Proce-
 res ad Auriacum deputavit, quibus
 vicissim Princeps die nona ejusdem
 Mensis pro summo imperio has condi-
 tiones Regi proponendas scripto tradi-
 dit. I. Catholici armis & officiis exuan-
 tur. II. Proclamata contra Auriacum
 edita revocentur, & si qui eidem ad-
 hærentes carceri fuissent mancipati,
 illico liberentur. III. Pro securitate
 Urbis Londinensis præsidium Prætoris
 imperio subsit. IV. Regis copiæ du-
 rante Parlamento triginta leucis a Lon-
 dinensi urbe absint. V. Tilburienſe
 propugnaculum Londinensi Magistratui
 tradatur. VI. Ad alendos Hollandos
 milites usque ad Parlamenti celebratio-
 nem publici proventus Principi cedan-
 tur. VII. ad præveniendam Gallorum
 exscensionem Portus - Ostium ad Regis
 Principisque arbitrium fido cuidam tra-
 datur.

datur. Verum Rex religionem, Ca-
 tholicosque Protestantium odio ac fu-
 rori immolare abhorrens, cum nulla
 eidem auxilii spes superesset, po-
 tius Regnum & patriam deserere vo-
 luit. Igitur die decima Decembris alie-
 nis vestibus indutam uxorem suam ejus-
 que Filium noctu in Galliam unicum
 velut asylum præmisit, ipse vero eadem
 die famuli habitum indutus, Londino
 Witehalliam aufugit, ac Feversha-
 mium quadam cymba delatus est, co-
 mitante eum Halesio Equite: mox au-
 tem nautæ aliique toto impetu in cym-
 bam proruere, ac Regem, quem Ha-
 lesii Sacellanum existimabant, multis
 injuriis affectum exspoliarunt, atrocio-
 ra tentaturi, nisi Connestabilis, cui
 Rex cognitus erat, populi petulantiam
 refrænasset. Hujus suasu Rex die de-
 cima sexta Decembris Londinum re-
 versus, promulgato edicto Provincia-
 rum Rectoribus injunxit, ut seditiosos
 homines, qui varias ædes atque Eccle-
 sias primo expilatas demum funditus
 everterunt, ab ejusmodi violentiis co-
 hiberent: Insuper Hiberniæ Episcopum
 Catholicum a Calvinistis in vincula con-
 jectum libertati restituit: hac tamen
 elementia rursus tantopere in se conci-
 tabat Calvinistarum odium, ut Sena-
 torum quidam Regem captivum Bredam
 ab-

sæc. XVII.
 A. C. 1688.

Sæc. XVII. abstrahi suaderent, ac Londinenses Re-
 gem concubia nocte ex suo Palatio ad
 A. C. 1688. privati cujusdam ædes amandarent,
 eique Regium satellitium denegarent,
 subrogata Hollandorum Prætoria co-
 horte. Tot molestias pertæsus Rex,
 obtenta Principis venia Rocestriam, ac
 inde in Franciam secessit, ubi instructo
 ad S. Germanum Palatio eum Rex Fran-
 ciæ tanquam Monarcham excepit. Tum
 vero in Catholicos tumultuari cæptum:
 exuuntur armis, & Sacerdotes Catho-
 lici, Jesuitæ, Proceres, & plebæi in
 vincula conjiciuntur, diruuntur Catho-
 licorum ædes, violatoque gentium jure
 etiam Oratorum domus spoliatur: pa-
 lam Londini venum exponitur edictum,
 quo in Patrem Petersium Jesuitam in-
 quiri jussum, moxque accusatur in ju-
 dicio Saresberiensis Comes, eoquod
 Catholicam religionem amplexatus
 esset. Lectoris judicio relinquimus,
 an hæc agendi ratio consonet Auriaci,
 & Batavorum diplomati, quo declara-
 tum, quod *Princeps Regnum invadere, de-
 solari, aut Regem solio deturbare, ipsum
 comprehendere, vel legitimæ successioni de-
 rogare, aut Catholicos expellere vel vexare
 nullatenus intendat.* O Punica fides!
 O præclarum Calvinianæ sinceritatis
 exemplum?